

Հաստատում եմ՝

Ավանդական բժշկության
համալսարանի
ռեկտոր, Գ.Խ. Նախագահ



20/4թ.

ԿԱՐԳ

ԱՎԱՆԴԱԿԱՆ ԲԺՇԿՈՒԹՅԱՆ ՀԱՄԱԼՍԱՐԱՆԻ ԸՆՏՐՈՎԻ ԴԱՍԸՆԹԱՑՆԵՐԻ ԸՆՏՐՈՒԹՅԱՆ ԵՎ ԿԱԶՄԱԿԵՐՊՄԱՆ

I. Ընդհանուր դրույթներ

- 1.1 Սույն կարգը սահմանում է Համալսարանի ուսումնական պլաններով նախատեսված ընտրովի դասընթացների ընտրության և կազմակերպման կարգը:
- 1.2 Ընտրովի դասընթացների ընտրության և կազմակերպման հիմքում դրված է կրեդիտային համակարգով ուսուցման կարգը, սույն կարգը և կանոնակարգող ներքին այլ փաստաթղթեր:

II. Ընտրովի դասընթացների ընտրություն

- 2.1 Գործող կրեդիտային համակարգի պահանջներից ելնելով համալսարանի կրթական ծրագրերում ընդգրկված է ընտրովի կրթական դասընթացների համակարգ:
- 2.2 Ընտրովի դասընթացներն ընդգրկված են ուսումնական պլաններում, համապատասխան ժամաքանակով և կրեդիտով:
- 2.3 Յուրաքանչյուր ուսումնական տարվա համար նախատեսված է մեկ ընտրովի դասընթաց, որի համար առաջադրվում է երկու ընտրովի դասընթացի անվանում, երկու ընտրովի դասընթացի համար՝ առնվազն չորս դասընթացի անվանում և այլն

III. Ընտրովի դասընթացների իրականացման գործընթացը

- 3.1 Համալսարանի ուսումնական մասը յուրաքանչյուր ուսումնական տարվա համար ուսանողներին է ներկայացնում ընտրովի դասընթացների ծրագրերը, համառոտագրերը, ընտրության պայմանները՝ ներկայացված դասընթացներից քանիսը պետք է ընտրվեն:
- 3.2 Անհրաժեշտության դեպքում ընտրությունն առավել արդյունավետ դարձնելու նպատակով, դասընթացների բովանդակությունը մանրամասնորեն ներկայացվում է ուսանողներին:
- 3.3 Յուրաքանչյուր ուսումնական խումբ առանձին ընտրովի դասընթացներ ուսումնասիրելու նպատակով կարող է բաժանվել երկու և ավելի խմբերի:
- 3.4 Տվյալ ընտրովի դասընթացը կայանում է, եթե գրանցվել է առնվազն 10-12 ուսանող: Հակառակ դեպքում՝ տվյալ դասընթացին գրանցված փոքրաթիվ ուսանողներին կառաջարկվի միանալ որևէ կայացած խմբի: